



BOSNA I HERCEGOVINA
Federacija Bosne i Hercegovine
Kanton Sarajevo
Grad Sarajevo
OPĆINA NOVI GRAD SARAJEVO
Služba za inspeksijske poslove

Broj: 02/11-19-11919/24 EA
Sarajevo, 24.04.2024. godine

Skupština Kantona Sarajevo
Reisa Džemaludina Čauševića br.1
71000 Sarajevo

Predmet: Informacija
Veza: Vaš akt broj 01-04-5869-73/24 od 29.03.2024.godine

U vezi sa Vašim aktom, gore navedenim, koji nam je proslijeđen od KUIP-a dana 23.04.2024.godine, a kojim nam je dostavljena **inicijativa zastupnice u Skupštini Kantona Sarajevo, Klarić Sanele**, informišemo Vas sljedeće:

Služba za inspeksijske poslove Općine Novi Grad Sarajevo je zaprimila prijavu početka izvođenja radova na izgradnji kružnog toka na raskršću ulica Džemala Bijedića, Srđana Aleksića i Velikih drveta, investitora Općine Novi Grad Sarajevo. Izvođač radova je firma Mevludin Commerce d.o.o., te su radovi definisani potisanim ugovorom br.1 između Općine Novi Grad Sarajevo, Direkcije za puteve Kantona S Sarajevo i izvođača radova. Štručni nadzor nad izvođenjem radova je Zavod za izgradnju Kantona Sarajevo.

Na navedenom lokalitetu je, u više navrata, vršen inspeksijski nadzor vezano za obaveze izvođača radova po pitanju uređenja i obezbjeđenja gradilišta, kako isto ne bi predstavljalo opasnost po prolaznike i učesnike u saobraćaju. Na navedene okolnosti izvođač radova je povremeno vršio ograđivanje i obilježavanje pješačkog koridora te područja na kojem se etapno vrše radovi. Izvođač radova je, po pismenom i usmenom nalogu inspektora upozoravan da je dužan poduzeti sve mjere zaštite za sigurnost građevine, radova, opreme i učesnika u pješačkom i kolskom saobraćaju, u skladu sa zakonskim propisima, a o svemu navedenom je usmeno i pismeno, upozoravan investitor kao i nadzor nad izvođenjem radova-Zavod za izgradnju Kantona Sarajevo, u skladu sa članom 110. i članom 111. zakona o prostornom uređenju (Službene novine Kantona sarajevo br. 24/17 i 1/18).

U Službu za inspeksijske poslove zaprimljen je veliki broj telefonskih i email prijava i po pitanju ispiranja tampona, nastajanja udarnih rupa, zadržavanja većih količina oborinskih voda na saobraćajnici kružnog toka (koji je u izgradnji), te način regulacije saobraćaja na obuhvatu gradilišta koje je, sve vrijeme izvođenja radova, aktivna saobraćajna površina kao i na regulaciju saobraćaja na okolnim saobraćajnicama i raskrscima koje su, usljed usporenosti saobraćaja na samom gradilištu, dodatno opterećene u ulici Džemala Bijedića, Srđana Aleksića i Velikih drveta. Takođe, veliki broj predstavki se odnosio i na zaprljanje javnih površina u širem području oko gradilišta, odlaganje građevinskog materijala, kretanje teških vozila i mašina te buku. U cilju rješavanja gore navedenog te stvaranja uslova za normalno odvijanje saobraćaja i bezbjedan prolaz pješaka, zaprimljene predstavke građana su promptno prosljeđivane Kantonalnoj upravi za inspeksijske poslove Kantona Sarajevo na postupanje u okviru nadležnosti, te ostalim nadležnim organima i institucijama koji su uzeli učešća u procesu građenja i u vezi s njim.

Sve navedeno je spomenuto ili naznačeno i u obraćanju zastupnice Klarić Sanele

Na osnovu svega navedenog, smatramo da je, u svrhu normalizacije opisane situacije, neophodan sveobuhvatan angažman svih nadležnih organa i to, prije svega, Zavoda za izgradnju Kantona Sarajevo kao imenovanog stručnog nadzora nad građenjem, Kantonalne uprave za inspekcijske poslove-Inspektorata saobraćajne i cestovne inspekcije, (po osnovu nadležnosti određene članom 100. a u vezi člana 23. stav 2. Zakona o uređenju saobraćaja na području KS (Službene novine Kantona Sarajevo 30/17,46/17,1/22) te na osnovu nadležnosti određene članom 101. a u vezi člana 67. stav 2. i člana 77. Zakona o cestama (Službene novine FBiH 12/10, 16/10, 66/13)) kao i Inspektorata komunalne inspekcije, zaštite prirode, zaštite dobara baštine i inspekcije za sport po osnovu nadležnosti određene članom 63. a u vezi člana 14. stav 1. tačka a), tačka d) i tačka e), člana 14. stav 2. i člana 17. Zakona o komunalnoj čistoći KS (Sl.novine KS 14/16, 19/17,20/18, 22/19).

Na osnovu svega navedenog, rezimiramo i naglašavamo da Služba za inspekcijske poslove Općine Novi Grad Sarajevo, od početka predmetnih radova vrši redovan i kontinuiran nadzor te poduzima sve potrebne aktivnosti i mjere u okviru svoje nadležnosti ali da je, u svrhu rješavanja svih navedenih problema, potrebno sprovesti sveobuhvatan i koordiniran nadzor od strane svih nadležnih organa. Smatramo da važeći zakoni KS i FBiH, predstavljaju dovoljan pravni osnov za rješavanje delegiranog problema i realizaciju inicijative zastupnice Klarić Sanele, na način pristupanja navedenim problemima višestranu, primjenom niza zakona, koji se, svaki sa svog aspekta i djelimično, odnose na jedan dio sveukupne problematike, a koja se rješava postupanjem svih nadležnih organa, svakog u okviru svoje nadležnosti.

S poštovanjem,

DOSTAVLJENO:

1. Naslovljenom
2. U spis

URBANISTIČKO-GRAĐEVINSKI

